

嶧縣志

余銘棠題



嶧縣志卷二十二

列女志

貞烈

梁 貞烈 張氏楚媛僕射稷女適會稽孔氏無子稷爲冀州刺史州人徐道角作亂楚媛方大歸會稷見害遂以身蔽刃先其父死

唐

貞女姚文玉父承大仕爲行軍司馬女幼字山陰王僉判子未婚而卒誓不更嫁聞有媒氏來議婚輒牽父衣袖泣欲自盡父憐其志遂不復強分產與諸子均長興四年歲大旱貞女出粟五千餘斛以賑及老悉捨所置羅松鄉別業田地建佛寺并於寺傍架石橋以濟行路天福七年吳越王賜額資國院里人塑貞

女及其父母像於寺之西偏四時禮薦焉

元

商淵妻張氏名貞居鳴絃理事姑孝謹至正戊戌冬方國珍擁兵

據縣明年冬胡將軍張士誠兩軍交至與淵走匿新昌之南明

山淵間出為游兵所掠貞涕泣不食者五日及淵脫歸為貞道

白泥墩烈婦被掠自縊事貞曰一旦危急當如是耳又明年夏

胡將軍復統兵掠縣地貞懼辱投塘死越二日子芹收屍葬色

如生

胡氏妙端祝家婦也至正庚子春苗獠虜之去至金華縣乘間嚙

指血題詩壁上詩見藝文志閩秀赴水死時二月二十四也獠帥為立

廟祀之議者謂當配享清風嶺王貞婦祠云道光李志

白泥墩烈婦佚其姓氏元末兵亂被掠婦誓不受污至東陽賦詩

五章自縊死

明

姚旭輝妻屠氏旭輝貧役於公氏紡績養舅姑或不繼遭詬詈則
婉愉以受自食日惟一餐鄰姑或憐而進之食曰毋庸吾腹已
果族有長者遺以粟帛氏惟取供舅姑而已夫免役歸日益窘
謀出婦婦哀懇之不聽遂歸母家夫設計將強奪之婦泣語母
以死自誓乃密紉衣裙夜啓戶出抱石沉百丈潭死覓屍不得
踰月從死所浮出顏色不少變邑人王思位喻和卿爲之傳

史閨英本深女通經史內則諸書工詩詞祖晞以鄉進士任全州

知州爲擇門楣不知父家中已先受聘各欲迎娶方躊躇不能

決閨英潛告天地祖宗題絕命詩二首自縊死

詩見藝文志閨秀

羅烈婦黃氏居四十一都佚夫名夫亡舅耄夫弟逼之氏密紉衣

履累月不安枕復遣鄰婦婉諷婦默然衆意其不拒也方治酒會客而婦已自經矣

邢克威妻胡氏武昌教諭淮之女幼通書史年十九夫亡兄弟以氏無子欲奪其志氏曰兄弟且不我知尙誰望焉遂反戶自縊死

袁日躋妻施氏年少無嗣躋病劇語妻曰身後事惟汝自裁氏泣曰夫妻相隨生死不移躋卒殮中堂氏卽入房投繯死

諸生周大勳妻胡氏山陰人崇禎間山寇亂見氏美姿色逼污不從被殺死

張仁妻鄭氏字妙安兵亂被掠不辱而死

據李志孝義傳補

袁日暘妻施氏夫死自殉

鄭惟清女白姑字丁某甫行聘而丁死姑慟哭隨母往視含殮歸

構一樓不設門窗鑿穴僅容食物升降日夕事女紅積資置田以供夫祀越二十餘年親喪乃始下樓與幼輩書誌清白事卒年八十一

清

張侃繼妻章氏早寡順治初爲山寇所劫被焚死年六十有六

鄭品二妻陳氏順治丙戌兵掠其境被逼投長橋潭而死

尹燦妻唐氏丙戌避難入山讎家掠其貲懼辱觸崖死

夏烈婦適周姓居鹿苑山塘順治九年山寇突至殺其夫與家屬

八人留婦欲辱之夏不屈遂死於刃按張志及李志夏烈婦開

元鄉周某妻而表微錄作夏周氏俱佚其夫名今開元周氏譜

則曰汝仁妻未知孰是姑並存之

史自和聘妻裘氏自和以殺人繫獄氏白父母求一見會解讞道

經南溪隨父隔樓垂淚遙詢曰君能終脫否自和曰犯辟無生理願自愛毋以我爲念氏拭淚歸縊死年僅十八

府志作前明

王大二十三之妻鄭氏佚其里居王業種瓜上有耄姑家赤貧族有強暴謀污之經年不得聞一日瞶婦過巷強逼之氏痛詈不屈時夫在瓜園婦從容往與之訣屬以養姑餘無所言又從容慰其姑俄而自經時順治丁酉六月也

諸生周明新妻胡氏下相村胡承達女歸寧父母會山寇至被逼

氏堅拒不從連被數創母金氏奔救並遇害

明新府志作清新

裘興組女六妹因被狂且調戲不從復聞穢言卽行自盡

周維良妻過氏年十七夫亡經營殯埋畢招諸妯娌飲若與訣者酒未半潛入室雉經視衣禪皆密縫也

周良賡妻宋氏居開元莊康熙甲寅寇亂匿山谷中官兵搜得之

將挈以行氏引菜刀自刎死

吳志冷聘妻商氏未結褵而志冷死女請哭臨父母不許乃易服

守志百計奪之不得依兄嫂以居食貧茹苦恬如也及卒族人

高其操以姪諸生士棡爲之後而迎棺合葬焉

雍正六年旌

張永恂女二姑年十二父病卒母目失明兄又遠出家故貧賴三

姑十指以存活遂守貞不字乾隆四十一年旌

錢世寶繼室王氏未婚守節志操堅貞有司爲詳請建坊表之乾

隆五十二年旌

張聖縉聘妻俞氏未婚而聖縉客遊他鄉不知所終過門守節執

婦道惟謹姑病刲股以療撫嗣子嚴而有禮新邑陳承然有句

云望夫遠道千里石鞠子寒磯一片霜可以想其志節矣嘉慶

六年旌

張元修女七姑貞孝坊建禮義鄉高田莊嘉慶時旌

以上四人同治志誤入節孝今更正

柴紹恩本姓吳聘妻張氏年十九娶有日矣紹恩病卒訃聞女告
父母往視含殮父母不可絕食二日父母送之往既葬父母勸
之歸女曰兒安歸乎固強之絕食者又四日父母乃聽之朝夕
哭奠哀禮兼至然二次絕食加以哀毀旋得疾父母舅姑相與
謀醫女辭曰兒之不卽死者恐以橫死傷兩家父母心耳今病
而死是正命也何醫爲不藥而卒

張文綱女大姑字喻之晟爲室之晟卒女聞訃隱泣以汗衫請母
寄殉不食者數日父母哀之女曰生不爲喻氏婦死宜爲喻氏
鬼請終身以事父母遂脫簪珥荆布素食里黨咸稱而求親者
踵至父欲改字女知之潛易素服投繯以死時道光癸未八月

二十七日也

周慶餘妻張氏年二十二夫亡服滿以殉四十八年旌按李府志

慶餘作慶裕道光李志慶餘慶裕重刊今查周氏譜刪正

孫清五妻張氏父俊貧弱獨居沙塢贅清五相依里有董信者諸生之無賴者也謀奪氏令張某爲媒俊詈之信訟於官囑當事飭法繫其父兄氏曰以我故貽一家累我不死則事終不白遂自經死

黃方榮聘妻金氏下東山莊金仲聖女年十二聞夫訃痛甚誓守節遂去容飾絕滋味足不出閨門者二十餘年父母屢勸改嫁矢死靡他姑聞而奇之乃迎之歸使全其節氏善事邁姑和妯娌以姪某爲後年五十有三卒道光二十八年獲旌穉齒完貞坊額坊建穀來莊前王橋南

金成均聘妻張氏未婚過門孝事舅姑一日持衣往洗有狂且某戲撫其身女涕泣歸姑問之曰兒身豈可爲某撫耶遂絕食父母舅姑百計勸解終不聽餓十七日而卒
丁珣妻尹氏知書年十三母病刲股于歸後姑病又刲股及夫病諸醫悉謝去氏情極嚙指血寫疏禱天求以身代未幾果卒珣亦終身不再娶

江俞氏佚其夫名聞游少蜚語憤而自盡

諸生姚浩妻竺氏年二十五夫故投環以殉

監生周誠妻丁氏年二十五夫故自殉

李玖報妻袁氏年二十三夫亡自縊

何文美妻柴氏年二十夫亡自縊

張士貴妻錢氏夫亡自縊

王大臨妻沈氏夫亡自縊

葉方龍妻婁氏夫亡自縊

商弈瑜聘妻劉氏未婚而奕瑜死女泣告父母願歸守志留之不能乃從其請貞女內衣縞素外覆吉服往拜姑畢卽髻髻易服躬親含殮哭盡哀嗣是修婦道惟謹至夫弟授室始白姑省母蓋貞女幼涉詩書故動輒中禮云

求增福聘妻童氏年二十一未婚而增福死過門守志

以上二人道光八年憲獎

馬紹岳聘妻袁氏未婚夫亡過門守節繼子英奇居下馬莊

駱順遷女八姑幼字邵氏未婚而邵氏子亡過門守志壽六十餘

卒

以上二人道光八年邑令給額獎表

尹嘉會妻張氏未婚夫亡過門守志繼姪爲嗣以節終

王希周女懋學母早亡念四弟二妹幼而無恃矢志不嫁爲弟妹
婚配年七十餘卒

以上二人道光八年旌

裘清女富妹守貞不字年五十卒

裘德瑜女貞妹守貞不嫁年五十六卒

裘袞次女小姑性純孝因母寢疾立誓不字奉養不離左右者數

十年歿年四十二歲

以上三人道光時旌

呂賢鑑聘妻錢氏長樂萬衡女年十七聞夫訃不言亦不食夜靜

自縊救之得不死縞衣素食獨處一樓者十二年隣媪罕窺其

面姑聞其守貞狀備禮迎歸逾年卒卒之日異香滿室歷酷暑

二日面如生族伯孝廉燮煌爲作貞女傳咸豐元年旌

自商弈瑜聘妻劉氏至呂賢鑑聘妻錢氏計十人同治志誤

入節孝今更正

邢遵森妻錢氏道光癸巳秋夕鄰居火氏酣寢驚起火已燒房闔
度姑未起冒火負之竟不得出翌日視之形迹宛然負一姑更
抱一姪焉

魯國楨妻周氏夫亡引廚刀自剄以殉

以上二人咸豐元年旌載越郡闡幽錄

貞女趙業俊女 貞女王堯天女

貞女陳大遂女 裘德輝妻袁氏

以上四人咸豐六年旌載越郡闡幽乙錄

丁延齡妻王氏年二十將于歸延齡已患瘵父母有難色氏以死

自誓結褵未百日夫死氏矢志二十年卒
袁大志女閨九姑因母日警守貞不字奉母以終

以上二人咸豐時旌

趙世標妻支氏年十二適城北隅趙氏咸豐三年氏十六歲未婚
夫故十一年十月初七姑病卒氏扶柩出城營葬畢而洪楊潰
軍至城失守氏即赴水死

自趙世標妻支氏至齊惟雲妻葛氏皆死洪楊潰軍之難載
於舊志者或詳事實或祇列姓氏記錄似乎雜遝而各以鄉
區為比次亦自有其例也故仍之

周敬惺妻錢氏奉姑避難東丁村洪楊潰軍至焚掠甚慘氏別姑
攜四歲子出村里許投水俱沒年二十四

廩生周佩銘妻李氏

李氏年二十四夫故十一年十月初七姑病卒氏扶柩出城營葬畢而洪楊潰軍至城失守氏即赴水死

劉太和妻沈氏

陳謀和妻曹氏

陳謀道妻周氏

朱鼎春妻丁氏

楊名山妻裘氏

陶秉和妻唐氏陶會稽人

王世賢妻胡氏

竺月旺妻施氏

儒士吳之楨妻王氏

秦世璘妻沈氏並居城西北隅

周豪積女玉妹居黃塘沿

馮有泉妻余氏馬靴遶人

宋讓寶妻吳氏居小山

徐海洋妻鄭氏

王明鈞女大姑

鮑聖松妻史氏並居城東隅

謝孝英妻胡氏

謝殿謨妻婁氏並居城南隅

儒士章沛霖妻謝氏夫為洪楊潰軍所擄投塘死居章村衛

王立武妻俞氏居下東渡

竺世清妻何氏居朱家巷

金十六女

余學禮女小妹並居石板頭

以上二都
仁德鄉

鄭元相妻童氏與女同死洪楊潰軍之難人竹山

楊成宗妻朱氏居過港以上康樂鄉

沈哲林妻林氏居浦口莊葛家鵬妻馬氏居滙頭莊

葉惟封妻徐氏葉惟春女小孫姑

章思九妻葉氏並居大屋莊竹炳秀妻張和姑以上崇信鄉

諸生竹謨妻童氏素孝謹同治壬戌四月洪楊潰軍至赴水救之

大罵被刺喉死及殮面如生

竹臨標女小增姑壬戌四月避難山中服毒死並居東郭

鄭玉女圓金妹居下葉家魏守榮妻沈氏居湖頭

袁玉臺妻章氏居石橋張炳觀妻魏氏居白泥勘

魏恆昌妻鄭氏魏景福妻余氏並居后棗園